

O TERNO ROM

Khay sas te sas vakwndan ekh phuri. Agale phure romnya ulo ekh chhavo. Var mo – chok mo, o chhavo achhilo na osemnayse-devetnayse godini. I phuri prosinelas andar o gav, mangelas maro, mangelas so den la, dikhlyas, balerdyas les.

Ekh diyes o chhavo osemnayset bersha ni inkistilo, o udar na phutardyas les, ni inkistilo avre. Kana navwrshosardas deshoohto bersh inkistilo avre. Kai inkistilo avre, ushteldes les o kham.

– Ey, anaswnw siktimini, avre e dyunyava aver. Dae, shun mande. Do sega tu man parvardyan, ot sega me tut ka parvarav. Khanchik mo dad kana mulo te mukhlyas?

– Mi dayake, chhityas ko tavanya ekh swrkmyava. Ikli dikh te achhyola, ama te ni halyala e shimiyache.

Inkistilo o raklo ko tavani, dikhlyas sar pakhyardyas la leskoro dat, ov arakhlyas la. Pherdi prahos. Les hulyavdyas, kanosardas, kate sinas hali katar ko shimiyache. Lachhardyas, sivdyas la o rakloro.

Bisminlyahi – chektin, gelo ko denizi. Bisminlyahi, evkar chhityas o srwkmmyava, inkaldyas duye machhen. Da kazhem pet-deset kilograma. Khidel o raklo o swrkmyava, thovel ekh machho ko dumo, ekh machho ikerel ando vast. Da, ama leskoro drom nakhel katar ko thagareskoro kher. Nakhel o raklo utar. Da, ama chhityas pi ekh ot dural i thagareskiri rakli.

– O, anaswnw siktimini, si kava rakloro. Ey, balwkchi, biknes kava machho?

– Biknaa.

– Ach te lav.

Phandel leske ekh bornik mange, kalka ekhe gudzheste. Zakachinel ko sholo, ko kuka o machho, vazdel i rakli gadava machho. Nakhlo o raklo, gelo peske.

– Daye, ake so pechelisalom tuke – ekh vast galber. Isi te has dzhi kay siyan dzhivdi.

Sabale ushtel o rakloro, chektin pale. Ikerdas deekh machho. I thagareskiri rakli slediel les.

– Balakchi, biknes kava machho?

– Ami, biknava.